


勸發諸王要偈
龍樹菩薩勸戒王偈

四百廿七
畫四

51067



元祿九年丙子二月日重脩

皇圖鞏固 帝階綴昌

佛日增輝 懋譽輪常轉

山城州天安寺法金剛院置



二經同卷

盡

勸發諸王要偈

龍樹菩薩勸戒王頌

勸發諸王要偈

龍樹菩薩撰 宋天竺三藏 求那 跋摩譯

明勝功德王

我無餘求想

諸佛所說法

莊嚴要何義

略撰賢聖頌

大王所宜聞

如以眾雜木

造立如來像

智者恭敬禮

依佛故存木

我今以非辯

光宣真實藏

慧者應信樂

依法聽所述

大王雖數聞

如來梵音說

勝悟由多聞

屢聞則深信

如日照素質

豈不增其鮮

三寶施戒天

最勝說六念

隨順諸功德

如實善觀察

身口意常行

清淨十業道

遠酒不醉乱

離修邪正命

知財五家分

無常不牢固

惠施諸有德

貧苦及親屬

所生常隨逐

布施為最勝

不離不望果

如是諸淨戒

不斷亦不滅

不離不望果

如是諸淨戒

宜應善受持

是則為良由

生諸功德故

施戒忍精進

禪定無量慧

是諸波羅蜜

慧者當修習

能度三有海

逮得牟尼尊

若人孝父母

至心盡供養

是名禮教明

清淨天勝族

名聞遠流布

捨身生天上

離殺盜婬欺

飲酒及三枝

成就八分齋

隨順諸佛學

捨身生六天

所欲悉隨意

慳諂幻偽慢

懈怠貪恚癡

族姓好容色

少壯多聞樂

如是諸迷惑

當視如怨家

若修不放逸

是則不死路

放逸為死徑

世尊之所說

為增善法故

當修不放逸

若人先為惡

後能不放逸

是則照世間

書

雲除月光顯

忍辱無與等

不隨瞋恚心

佛說能遠離

是得不還道

有瞋如畫水

或如畫土石

若說起煩惱

初人則為勝

改惡修慈忍

第三則為上

最勝說眾中

三種善惡語

初名引人心

美言如飴蜜

次名真實語

猶如妙華敷

後名不誠實

鄙浮如糞穢

慧者應分別

捨後修初二

從明明至終

從闇闇究竟

有從闇入明

或從明入冥

慧者應諦了

捨三昇初門

有人生似熟

或復熟似生

或二俱生熟

明者諦分別

不視他妻色

視則母女想

如是猶生惑

當修不淨觀

心意善馳亂

當勤善守持

如人護勝聞

寶藏愛子命

當觀五欲樂

猶如惡毒蛇

怨憎及刀火

方便修厭離

五欲生非義

猶如頻婆果

覆相善欺誑

縛人住生死

智者當觀氣

棄捨勿染污

諸根常輕躁

馳散六塵境

若能善調伏

是則大勇健

是身為行願

九道常流穢

穿漏難可滿

薄皮隱不淨

愚者爲所欺

智者當厭離

如人病疥重

向火欲除患

少樂後苦增

貪欲亦如是

能善知欲過

從是離衆苦

欲見第一義

佛說觀緣起

應當勤修習

最勝無過是

族姓身端嚴

多聞自瓔珞

若不修戒慧

此則非殊勝

能具二功德

無三猶竒特

利衰及毀譽

稱譏與苦樂

八法不傾動

是則爲聖王

莫爲諸天神

沙門婆羅門

宗親及賓客

害生造惡業

命終入地獄

獨受彼不代

若人作惡業

不即受楚毒

命終受苦報

後悔將何及

信戒施多聞

智慧有慙愧

佛說不共財

餘財一切共

博奕大聚會

嬾惰習惡友

飲酒縱昏蕩

夜遊無羞耻

此六汚名稱

智者應遠離

知足為大財

世尊所稱說

若能修知足

雖貧則大富

譬如多頭龍

多頭則多苦

自性結恨深

是名怨家婦

傲慢不承順

名為輕夫婦

費用夫主財

是則名賊婦

慎哉賢丈夫

宜遠此三婦

隨順為姊妹

愛樂為善友

安慰則為母

隨意為婢使

此四賢良妻

則是天眷屬

飲食為湯藥

無貪恚癡服

唯為止身苦

勿為肥放逸

晝則勤修業

初後夜亦然

中夜亦正念

無令空夢過

慈悲喜捨心

日夜常修習

設未出世間

其福勝梵天

離欲覺歡喜

苦樂修四禪

梵光淨果實

受此諸天樂

若人少行惡

廣修無量善

如以一把鹽

投之大恒水

若人多行惡

少修淨功德

如以多惡毒

置之小器食

五陰闇冥賊

劫人善珍寶

信五根力

是能善守護

生老病死苦

所愛者別離

淪沒不超度

斯由自業過

求生天解脫

當勤修正見

邪見雖行善

一切得苦果

無常苦不淨

應當善觀察

若不正思惟

四倒盲慧眼

端正色非我

我色亦非主

四陰亦復然 唯是空苦聚 非時非無因

亦非自性有 非自在天生 無明愛業起

身見戒取疑 是三障解脫 聖慧開脫門

自力不由他 淨戒學禪定 精勤修四禪

增上戒心慧 常當勤修學 諸戒智三昧

悉入三學中 身念處大力 佛說一乘道

常當繫心念 方便善守護 若忘是正念

則失諸善法 身命極浮脆 喻風吹水泡

夢覺難可保 出息無必迴 倏忽成微塵

當知無堅固 大地須弥海 七日皆燒然

廓然無遺燼 況復危脆身 無常不可依

亦非覆護法 是身不可怙 如何不生厭

譬如海盲龜

值遇浮木孔

畜生復人身

難得復過是

如何人道中

不修勝果業

寶器盛糞穢

是則愚癡人

已得人身寶

而用造惡行

當知此士夫

極愚復過是

得生有道國

遭遇善知識

正見心成就

宿命有功德

四寶輪具足

能出生死路

親近善知識

具足修梵行

佛說如是人

心常得寂滅

邪見三惡趣

不聞佛法音

邊地闇冥處

聾瘡長壽天

王已離八難

得此無礙身

宜應修善業

方便求泥洹

生死長夜中

無量種種苦

展轉作六親

尊卑無常序

永劫生死中

未曾不為子

計飲慈母乳 量喻四大海 凡夫方受生
所飲復過是 一人從本來 積骨高須弥
所經諸人天 大地微塵數 先作轉輪王
後復爲僕使 或上爲帝釋 諸天所奉事
下生糞土中 往返亦無量 或時生天上
娑女極娛樂 目眩衆妙色 耳聞萬種聲
觸身皆細軟 快樂難可名 後墮地獄中
苦毒靡不經 若生劒林樹 身首隨刃零
或遊須弥頂 昇降隨所念 與衆天女俱
沐浴曼陀池 寶華列莊嚴 清涼極快樂
復入沸灰河 烹煮悉糜爛 六天五欲歡
梵世離欲樂 亦入無擇獄 備受衆苦毒

或作日月天 光明照四域 後生黑闇獄

不自見其形 王當然慧燈 勿復隨長冥

入大地獄中 燒炙屠裂苦 備經眾楚毒

無量不可譬 若人隨癡惑 具造眾惡業

出息未及間 聞是諸大苦 其心不驚怖

是則木石人 眼見報應像 復聞智者說

披采佛經曲 內心正思惟 則應大怖畏

何況身自經 一切受苦中 無擇最大苦

一切受樂中 愛盡第一樂 日夜各三時

三百槍貫身 欲比無擇苦 百千倍非譬

無量諸楚毒 求死不可得 受罪百千歲

惡業盡乃畢 不淨苦果報 身口業為種

不種則不有。王其斷苦本。若墮畜生趣。

繫縛殺害苦。貪害狂亂心。怨結更相食。

或為取珠寶。毛尾皮肉骨。由是喪身命。

解剥斷截痛。駿足有大力。穿頸服乘苦。

狂逸不調馴。策勒而榜楚。餓鬼思飲食。

所念未曾有。飢渴寒熱逼。長夜無休息。

或身如太山。咽口若針鋒。飢渴內燒然。

對食食無從。或見糞膿唾。群走競馳趣。

到則自然滅。望絕增苦惱。飢渴煎其肉。

瘤癭發癰疽。更共相撮搏。齟齬唾膿血。

羸瘦皮骨連。裸形被長髮。身長若枯木。

熾焰從口出。還自焚其身。狀燒多羅樹。

處夏希夜涼

月光增其熱

在冬思晝溫

日出愈冰結

向樹果即消

趣河水輒竭

經万五千歲

業持命不絕

久受無量苦

斯由宿罪緣

種種諸惱逼

純苦初無間

貪惜極慳著

佛說餓鬼因

生天雖快樂

福盡極大苦

斯非賢聖果

慧者所不怙

身體不光澤

不樂本所坐

華冠卒萎落

塵垢忽著身

腋下流汗汁

當知死時至

善趣淨業盡

復墮三惡道

或生阿脩羅

貪嫉常苦惱

雖有智聰明

終不見真諦

生死六趣中

輪轉常不息

勝法不受生

生者衆苦器

假令頂火然

正意慎勿念

不受後有業

專心勤修習

戒品禪定慧

寂靜調不動

常求涅槃道

究竟離生死

念擇及精進

喜猗三昧捨

此七菩提分

清淨甘露道

無智則不禪

無禪亦不智

是二俱成就

能出生死流

無邊大苦海

視如牛跡水

十四無記論

佛說不應思

是非安隱道

亦非寂滅處

無明緣諸行

即緣彼生識

名色從識起

六入因名色

六入生六觸

從觸起諸受

諸受爲愛因

從愛生四取

四取生三有

因有愛後生

從生致老死

憂悲諸苦惱

無量衆苦聚

生盡即都滅

最勝所顯示

甚深緣起法

若能正觀察

真實見之上

如是真實見

是則爲見佛

正見正思惟

正語正業命

正念正方便

及正三摩提

八分聖賢道

寂滅當修習

生爲真諦苦

恩愛則是集

苦滅名解脫

到彼謂八道

爲見彼真諦

當勤修正智

雖處五欲樂

慧者能出離

能證正法者

皆從凡夫起

不從虛空墮

亦不從地出

明哲無畏王

領要不待煩

宜修正法橋

越度生死淵

如上諸深法

出家猶難精

況復御世主

而能具足行

隨時漸修習

勿今日空過

一切人修善

常生隨喜心

自行三種業

正迴向佛道

當於未來世
受此無量福
常生天人中
得為自在王
與大菩薩衆
遊戲諸神通
方便化衆生
嚴淨佛國土
施戒慧為種
往反人天中
無垢淨名稱
流布十方國
世間導人主
上生化天王
令捨五欲樂
遠離諸放逸
衆生迷正濟
漂浪隨四流
無量生死苦
度令至彼岸
緣此成佛道
究竟大涅槃

勸發諸王要偈

龍樹菩薩勸誡王頌



大唐三藏法師

義淨譯

此頌是龍樹菩薩以詩代書寄與南印度親友乘士國王一首此書已先譯神州處藏人多不見遂令妙語不得詳知為此更定本文冀使流通因滯沙門義淨創至東印度耽摩立底國譯

有情無知覆心故

由此興悲為開解

大德龍樹為國王

寄書與彼令修學

此一行頌乃是後人所述標書本意也

具德我演如如教

為生福愛而興述

真善宜應可審聽

此頌名為聖祇底

隨何木等雕佛像

諸有智者咸供養

真善宜應可審聽

此頌名為聖祇底

隨何木等雕佛像

諸有智者咸供養

縱使我詩非巧妙

依正法說勿當輕

王雖先解如如教

更聞佛語增勝解

猶如粉壁月光輝

豈不鮮明益姝妙

佛法并僧眾

施戒及與天

一一功德聚

佛說應常念

十善諸業道

身語意常親

遠離於諸酒

亦行清淨命

知財體非固

妙法施苾芻

貧賤及再生

來世為親友

眾德依戒住

如地長一切

勿穴瘦雜怖

佛說應常習

施戒忍勇定

慧不可稱量

此能到應修

渡有海成佛

若孝養父母

其家有梵王

現招善名稱

來世生天堂

殺盜姪妄說

耽食愛高床

斷諸酒歌舞

華彩及塗香

若女男能成

此八支聖戒

欲界六天上

長淨善當生

慳諂誑貪怠

慢姪嗔氏族

多聞年少嬌

並視如怨賊

說無生由勤

有死因放逸

勤能長善法

介可修謹慎

先時離放逸

後若改勤修

猶如雲翳除

良宵觀明月

孫陀羅難陀

吏具理摩羅

達舍綺莫迦

翻惡皆成善

勇進無同忍

忽使忿勢行

終得不還位

佛證可除嗔

他人打罵我

欺陵奪我財

懷恨招怨諍

捨恨眠安樂

知於水土石

人心盡彼同

起煩惱前勝

愛法者如後

佛說三種語

人美實虛言

猶如蜜華糞

弃後可行前

今明後亦明

今闇後還闇

或今明後闇

或今闇後明

如是四種人

王當依第一

自有生如熟

亦有熟如生

亦有熟如熟

或復生如生

菴沒羅果中

有如是差別

人亦同彼四

難識王應知

勿觀他妻室

設觀如母女

姊妹想隨年

起貪思不淨

如聞子截命

防持躁動心

獸藥力怨火

無令欲樂侵

由欲作無利

譬如兼博果

佛說彼應除

生死牢枷鎖

譎誑常搖境

能除斯六識

執伏掃眾怨

許初為勇極

臭氣九門眾穢室

行軀難滿薄皮纏

請看少女除莊彩

拈別形骸惡叵言

癩垂穿已痛

求安就火邊

止息無由逸

耽欲亦同然

為知真勝理

作意觀衆事

唯斯德應習

無餘法可親

若人具族望

貌美復多聞

無智破尸羅

是人何足貴

若人無族望

貌醜寡知聞

有智護尸羅

人皆應供養

利無利苦樂

稱無稱毀譏

了俗世八法

齊心離斯境

再生天乞士

父母妻子人

勿由斯造罪

獄果他不分

若行諸罪業

非如刀斬傷

待至臨終際

惡業果全彰

信戒施淨聞

慚愧及正慧

七財牟尼說

共有物誠虛

博奕樂觀誼雜境

嬾惰惡友教親志

飲酒非時行六過

此劫芳名尔應棄

求財少欲最人天師盛陳

名能修少欲

雖貧是富人

若人廣求諸事者

還被尔許苦來加

智者若不修少欲

受惱還如衆首蛇

稟性抱怨如殺者

欺輕夫主如勇愚

縱使片物必行偷

宜可弃茲三賊婦

順若姊妹慈如母

隨從若婢伴猶親

如茲四婦宜應供

應知此室号天人

受食如服藥知量去貪嗔

不爲肥憍傲

但欲任持身

勤軀度永日

於初後夜中

眠夢猶存念 勿使命虛終 慈悲喜正捨

修習可常研 上流雖未入 能生梵世天

捨離欲苦尋喜樂 隨業當生四地中

大梵光音及遍淨 廣果天生與彼同

若恒修對治 德勝愍眾生 此五行爲善

不行爲大惡 雨鹽鹹少水 豈若瀉江池

縱令微罪業 善大彌應知 嗔掉舉惡作

昏睡欲貪疑 如斯五蓋賊 常偷諸善利

有五最勝法 信勇念定慧 於此應勤習

能招根力頂 病苦死愛別 斯皆自業爲

未度可勤修 對品亡嬌恣 若希天解脫

亦當修正見 設使人行善 邪見招惡果

無樂常無我

不淨審知人

妄念四倒見

難苦在茲身

說色不是我

我非有於色

色我非更在

知餘四蘊空

不從時節生

非自然本性

非無因自在

從愚業愛生

戒禁見身見

及毗織吉蹉

應知三種結

能縛木叉門

解脫終依已

不由他伴成

勤修聞戒定

四具諦便生

增上戒心慧

茲學可常修

百五十餘戒

咸歸此三攝

於身住身念

茲路善修常

如其虧正念

諸法盡淪亡

壽命多災厄

如風吹水泡

若得瞬息停

卧起成希有

卒歸灰燥爛

糞穢難久持

觀身非實法

滅壞隨分離

大地弥盧海 七日出燒然 況此極微軀

那不成煨燼

如是無常亦非久 無歸無救無家室

生死勝人須馱背 併若芭蕉體無實

海龜投木孔 一會甚難遭 弃畜成人體

惡行果還招 金寶擊除糞 斯為是大癡

若生人作罪 全成極蠢兒 生中依善友

及發於正願 先身為福業 四大輪全獲

佛言近善友 全梵行是親 善士依佛故

衆多證圓寂 邪見生鬼畜 泥犁法不聞

邊地篋戾車 生便癡瘖性 或生長壽天

除八無暇過 閑暇既已得 亦可務當生

愛別老病死

斯等眾苦處

智者應生厭

說少過應聽

母或改為婦

父乃轉成兒

怨家翻作友

遷流無定規

一一飲母乳

過於四海水

轉受異生身

更飲多於彼

過去一一生身骨

展轉積若妙高山

地上丸為酸棗核

數已形軀豈盡邊

梵主世皆供

業力終淪地

縱紹轉輪王

迴身化奴使

三十三天妓女樂

多時受已墮泥犁

速疾躁毒經諸苦

磨身拭體鎮號啼

妙高岑受樂

地軟隨其足

轉受煇煨苦

行經糞屎獄

歡喜芳園裏

天女隨遊戲

墮落劍林中

截手足耳鼻

或入曼陀妙池沼

天女金花艷彩容

捨身更受泥犁苦

熱炎難當灰澗中

欲天受法樂

除貪大梵天

更墮阿毗止

薪焰苦恒連

或生居日月

身光遍四洲

一朝歸黑闇

展手見無由

三種燈明福

死後可持將

獨入無邊闇

日月不流光

有命黑繩熱

合叫無間下

斯等恒纏苦

燒諸惡行者

或若麻牀批

或粉如細末

如利斫斧木

猶如鋸解割

猛火恒煎煮

令飲熱銅漿

駢令上劍刺

叉身熱鐵牀

或時高舉手

鐵牙猛狗食

鷹鳥擊爪利

任彼啄心肝 螽蟪及諸虫 其數過千億

此觜啖身軀 急墮皆飡食

若人具造眾罪業 聞苦身肉不千墮

如此頑駭金剛性 氣盡泥犁遭猛火

時觀盡變聞應念 讀誦經論常尋鞠

泥犁聽響已驚惶 如何遣當斯異熟

於諸樂中誰是最 愛盡無生樂最精

於眾苦內誰為極 無間泥犁苦極成

人間一日中 屢刺三百槊 比地獄輕苦

毫分寧相搯 此處受極苦 經百俱胝秋

如其惡未盡 命捨定無由 如是諸惡果

種由身語心 介勤隨力護 輕塵惡勿侵

或入傍生趣

殺縛苦恒親

遠離於寂善

更牙被艱辛

或被殺縛苦

求珠尾角皮

錐鞭鈎斲頂

踏拍任他騎

受鬼望不遂

無敵苦常臨

飢渴及冷熱

困怖苦恒侵

口小如針孔

腹大等山丘

飢纏縱已糞

得少定無由

形如枯朽樹

皮方作衣服

炬口夜夜然

飛蛾隨充食

血膿諸不淨

福少獲無從

更相口排逼

還食瘦熟癰

月下便招熱

日中身遂寒

望菓唯空樹

瞻江水剩乾

如是受眾苦

經万五千年

長時繫身命

良由苦器堅

若生飢鬼中

遭斯一味苦

非賢澁者愛

佛說由慳垢

生天雖受樂

福蓋苦難思

終歸會墜墮

勿樂可應知

馱坐衣沾垢

身光有變衰

腋下新流汗

頭上故華萎

如斯五相現

天眾死無疑

地居人若卒

悶亂改常儀

若從天處墮

眾善盡無餘

任落傍生鬼

泥犁墮一居

阿蘇羅本性

縱令全覺惠

念天生苦心

趣遮於見諦

如是漂流生死處

天人畜及阿蘇羅

下賤業生眾苦器

鬼及兼投捺落迦

縱使烈火然頭上

遍身衣服焰皆通

此苦無暇能除拂

無生任想涅槃中

亦求尸羅及定慧

寂靜調柔離垢火

涅槃無盡無老死

四大日月悉皆亡

念擇法勇進

定慧喜輕安

此七菩提分

能招妙涅槃

無慧定非有

決定慧便明

若其雙運者

有海如牛跡

十四不記法

日親之所說

於此勿應思

不能令覺滅

從無知起業

由業復生識

識緣於名色

名色生六處

六處緣於觸

觸生緣於受

受既緣於愛

由愛招於取

取復緣於有

有復緣於生

生緣於老死

憂病求不得

輪迴大苦蘊

斯應速斷除

如其生若滅

衆苦殫無餘

最勝言教藏

深妙緣起門

如能正見此

便觀無上尊

正見命正念

正定語業思
此謂八聖道
為寂可修治

無由集愛起
託身眾苦生
除斯證解脫

八聖道宜行
即此喻伽業
四種聖諦因

雖居舍嚴飾
智遮煩惱津
不從空處墮

如穀因地造
諸先證法人
皆凡具煩惱

何假多陳述
除惱略呈言
事由清可伏

聖談心是源
如上所陳法
苾芻難摠行

隨能修一事
勿令虛天生
眾善皆隨喜

妙行三自修
迴向為成佛
福聚亦恒收

後生壽無量
廣度於天人
猶如觀自在

極難等怨親

生老病死三毒除
佛國託生為世父

壽命時長量叵知

開顯尸羅及捨惠

大地居人及天衆

煩惱羈纏有情衆

超度世間但有名

阿離野那伽曷樹那菩提薩埵蘇頌里離法

同彼大覺彌陀主

天地虛空名遍彰

勿使妖妍女愛傷

絕流生死登正覺

由獲無生離塵濁

了阿離野是聖那伽是龍是象曷樹那義翻

蜜離法者書也先

龍樹菩薩勸誡王頌四畫

勸發諸王要偈一經同卷

飴蜜上正作錫似行廁下初傲慢上吾儵忽

倏上正作燼徐刃反火目眩生花也目下音縣目熹上

庚 殺 廢 爛 上 密 碑 反 槍 反 羊 駿 足 上 子 閏 友

馴 音 旬 順 也 善 榜 楚 上 步 更 反 瘰 癧 上 音 留

下 氣 一 領 也 反 項 癰 疽 上 紆 恭 反 撮 搏 上 七 活 及

特 也 捉 齧 齧 上 床 楚 反 齧 齧 下 床 陌 反 萎 落 上 烏

也 薦 一 腋 下 音 亦 臂 龍 樹 菩 薩 勸 戒 王 頌

創 初 狀 反 姝 妙 上 掩 也 朱 苾 苾 上 頻 必 步 結 二

草 也 比 雲 翳 下 掩 也 計 燥 動 上 則 到 拊 別 上 先

分 列 也 下 匡 反 我 反 敢 都 昆 噴 掉 下 徒 瞬 息

上 音 舜 間 也 燥 爛 上 蘇 老 反 乾 壞 煨 燼 上 烏

下 徐 燾 愚 用 也 反 篋 戾 下 郎 莫 結 反 暇 音 夏 閑 規

剝 上 決 棗 核 上 音 早 果 子 岑 小 山 反 燻 煨 音 上

馬下鳥回反
地獄也
牀
下子禮反
嘴
上正作嘴

火灰
地獄也
牀
下子禮反
嘴
上正作嘴

側巧
卓音
蚤蠅
也上莫庚反
頑駭
語下

反
卓音
也
莫庚反
頑駭
語下

解反
癡
槩音朔
相搗
下苦
頡里
結上胡
俱
肱珍下

也反
癡
音朔
搗
下苦
頡里
結上胡
俱
肱珍下

遲反
也百
錐鞭
上質追
及針
刺也

億數也
錐鞭
上質追
及針
刺也

枯
下骨
吾捺落
上地獄
及名
妖妍
下宜堅

骨下
吾捺落
上地獄
及名
妖妍
下宜堅

羈纏
宣上
反居
薩埵
果下
反丁

羈纏
宣上
反居
薩埵
果下
反丁

